



Qeqqata Kommunia

Taxanik ingerlatsisinnaaneq pillugu kommunip ileqqoreqqusaa

Taxanik ingerlatsisinnaanermut akuersissut

§ 1. Taxanik ingerlatsisinnaanermut akuersissut Kommunalbestyrelsimit nalunaarutigineqassaaq. Akuersissummi ataatsimi taxat ataatsit kisimik ingerlanneqarsinnaapput.

Imm. 2. Taxanik ingerlatsisinnaanermut akuersissut inunnut kisimi tunniunneqarsinnaavoq, suliffeqarfinnuunngitsaq.

Imm. 3. Pisortanut 100.000 koruunit sinnerlugit akiligassalinnut, taxanik ingerlatsisinnaanermut akuersissut tunniunneqarsinnaanngilaq.

§ 2. Taxanik ingerlatsinermut akuersissut inummut tunniunneqartumut kisimi atuuppoq, allamullu tunniunneqarsinnaanani.

Imm. 2. Akuersissutit pioreersut inummut akuersissutinngortillugit allanngortinneqassapput kingusinnerpaamik qaammatit arfinillit ileqqoreqqusaaq Kommunalbestyresip akuerineraniit.

§ 3. Taxanik ingerlatsisinnaanermut akuersissummik tunineqarsinnaanermi Qeqqata Kommuniani inuit allattorsimaffianiittariaqarpoq. Kommunimut allamut nuuttoqarnermi akuersissut atorunnaassaaq. Kommunimut allamut nuunneq ilinniarnermut imaluunniit peqqinnissaqarfimmi katsorsarneqarneq patsisaappat, taava akuersissutip pigiinnarneqarsinnaaneranut immikkut ittumik akuersissummik ukiut marluk tikillugit atuuttussamik qinnuteqartoqarsinnaavoq.

§ 4. Kommunimi taxat amerlanerpaaffissaat Kommunalbestyrelsimit aalajangersarneqassaaq.

§ 5. Akuersissutit amerlanerpaaffissaat anguneqarpat, taava taxanik ingerlatsisinnaanermut qinnuteqaatit utaqqisut allattorsimaffianut inissinneqassapput.

Imm. 2. Sisimiunut, Maniitsumut Kangerlussuarmullu immikkut utaqqisut allattorsimaffianik pilersitsisoqassaaq.

Imm. 3. Qinnuteqartut qinnuteqaatinut annerpaamik pingasunut utaqqisut allattorsimaffianiissinnaapput.

Imm. 4. Utaqqisut allattorsimaffianiinnissami Qeqqata Kommuniani inuit allattorsimaffianiinnissaaq piunasaqaataavoq.

Imm. 5. Qeqqata Kommunianit aallaraluaanniluunniit utaqqisut allattorsimaffianiiginnartoqassaaq, taxanilli ingerlatsisinnaanermut akuersissummik neqeroorfigineqarnermi itigartitsisoqarpat, taava utaqqisut allattorsimaffianit peerneqassaaq, sumiluunniit najugaqartutut allassimagaluarluni.

Imm. 6. Ulloq qinnuteqarfiusoq naapertorlugu qinnuteqartut tulleriaarneqarlutik aggersarneqartassapput.

Imm. 7. Qinnuteqartup akuersissutip atuinissaminik kissaateqaruni, taava ullut arfineq-pingasut qaangiutsinnagit, qaammatip pingasut ingerlanerani taxanik pissarsisinnaanermik qularnaveeqqummik kiisalu politeeqarfimmit inuussutissarsiomermut allagartamik nalunaarsortinnermut uppenarsaammik takutitsissaaq. Kangerlussuarmi umiarsuaqartarnermut pissutsit naleqqussarneqassapput.

§ 6. Ingerlatsinerup unitsineqarnerani imaluunniit ajutoornermi akuersissut qaammatini arfinilinni pigiinnarneqartarpoq, tamatumalu kingorna akuersissut utertinneqartarpoq utaqqisullu allattorsimaffiani tullinguuttumut tunniunneqartarluni. Ullulli 20-t qaangiutsinnagit akuersissummik piginnittoq qaammatit arfinillit ingerlanerani taxanik ingerlatitseqqissinnaanermut uppenarsaammik takutitsissaaq.

Imm. 2. Immikkorluinnarmik pisoqartillugu, akuersissummik piginnittuunerup piffissaata sivitsorneqarnissaanik kommunalbestyrelsimik isumaqatigiissusiortoqarsinnaavoq.

Centralit piniarfigineqartartut pilersinnerat ingerlanneqarnerallu

§ 7. Centralit piniarfigineqartartut kommunalbestyrelsimit akuerisaasimassapput.

Imm. 2. Centralit amerlineqarnissaat, Kommunalbestyrelsip akuersissutigisinnaavaa.

§ 8. Taxanik ingerlatsisinaanermut akuersissummik pigisaqartut centralimik piniarfiusinnaasumik oqarasuaatitalimmik sullitat inniminniillutik sianerfigisinnaasaannik aammalu centralimit taxanut attaveqarniarnermi atortumik attaveqaaqatigiinnermut atortorissaarummik peqartoqarnissaanik piumaffigineqarsinnaapput.

Imm. 2. Sisimiut illoqarfiani centralinut tamanut ikinnerpaamik taxat qulit nalunaarsimassapput.

Imm. 3. Maniitsup illoqarfiani centralinut tamanut ikinnerpaamik taxat arfineq-marluk nalunaarsimassapput.

Imm. 4. Taxat centralimut nalunaarsimasut tallimat ataassimallugit ikippallaarnerat pissutaalluni centrali ingerlanneqarsinnaassanngippat, kommunalbestyrelsi aalajangiisinnaavaoq, taxat sinneruttut centralimut allamut nalunaarutigineqassasut.

Imm. 5. Taxa ataaseq centralinut arlariinnut nalunaarsinnaatitaanngilaq.

Imm. 6. Taxanik piginnittoq Kangerlussuarmi ingerlatsisuuppat, ataatsimoorussamik centralimut attaveqarnissamut pisussaaffimmuut taxaateqarnermik akuersissuteqartup ilanngutinnginnissaanik kommunalbestyrelsi aalajangiisinnaavaoq.

§ 9. Kinaluunniit taxanik ingerlatsisinaanermut akuersissummik pigisaqartoq ataatsimoorussamik centralimut piniarfigineqartartumut attaveqartussaatiitaavoq.

§ 10. Taxat tamarmik centralimut piniarfigineqartartumut attaveqartut, vagtiunissamut pinngitsooratik peqataassapput, taamaalilluni ullup unnualluunniit qanoq ilinerani sukkulluunniit piniartoqartillugu naammassineqarsinnaalluni. Unnuaanerani Sisimiuni ikinnerpaamik taxat marluk Maniitsumilu taxat ataatsit vagtiusassapput.

Akuersissutininik pigisaqartut pisussaaffii

§ 11. Akuersissummik pigisaqartut taxaatiik nakkutigissavaat. Inatsit naapertorlugu taxaatiik akornuteqannginnissaat nakkutigissavaat.

§ 12. Taxanik ingerlatsinermut akuersissummik piginnittoq, ilaasut Akiliut, Dankort aamma VISA akiliisinnaaqullugit, taxat terminalinik peqarnissaat isumagissavaat.

§ 13. Akuersissummik pigisaqartup taxaatiminik ingerlatsisuusoq inuussutissarsiuutigalugu inunnik angallassisinaanermi allagartamik atuuttuusumik pigisaqarnissaa kiisalu angallassinissamik allagartaq Qeqqata Kommunianit tunniunneqarsimasumik pigisaqarnissaa qulakkeertussaavaa.

§ 14. Kangerlussuarmi taxanik ingerlatsisinaanermut akuersissutaatillit unnuami vagteqartarnissaq ataqaqatigiissaassavaat, taamaalilluni ikinnerpaamik taxa ataaseq vagtiusassalluni.

§ 15. Taxaateqarnermut akuersissummik pigisaqartoq ukiut tamaasa akileraaruseriffimmit akiitsoqannginnermut uppersaammik pissarsisassaaq, taannalu Teknikimut Avatangiisinullu Immikkoortortaqaqfimmuut tunniunneqassalluni.

Imm. 2. Taxaateqarnermut akuersissummik pigisaqartoq akiitsoqassappat, akileraaruseriffimmit akilersuinermut isumaqatigiissusiorsimanerup uppersaataa ilanngussatut ilanngunneqassaaq.

Taxat

§ 16. Taxat tamarmik akuersissutip normuanik immikkuullarissumik peqassapput, taanna taxatut atuisinnaanermut uppersaatitut atorineqassaaq.

Imm. 2. Akuersissutip normua biilit nalunaarsorneqarnerata normuanut atugassanngorlugu suliarineqassaaq.

Imm. 3. Akuersissutip normuanik, nalunaarsorneqarnerata normuanik akuersissutillu normuanik ilalimmik allagartamik kommunalbestyrelsi tunniussissaaq.

Imm. 4. Allagartaq biilit siornatungaani tunuatungaani igalaani normu silammut saatillugu inissineqassaaq. Allagartaq qanoq ilinikkulluunniit silamit atuarneqarsinnaajuaannassaaq.

Imm. 5. Akuersissutip atorunnaamerani, ingerlatsinerup uninnerani imaluunniit biilit ajutoomerini allagartaq kommunalbestyrelsimut tunniunneqassaaq.

Taxanik ingerlatsisut

§ 17. Taxanik ingerlatitsisinnaanermut allagartaq Kommunalbestyrelsimut tunniunneqartarpoq, allagartaq taanna taxanik ingerlatitsisinnaanermut uppersaataavoq. Taxanik ingerlatsisinnaanermut allagartaq ukiut tamaasa nutarterneqartassaaq.

Imm. 2. Taxanik ingerlatitsisinnaanermut piumasaqaataavoq, taxanik ingerlatitsisinnaanermut allagartamik atuuttumik peqarnissaaq. Qinnuteqartup inuutissarsiornermut allagartaata piffissaliunneqarneranit siviruserumik taxanik ingerlatsisinnaanermut allagartaq piffissalerneqarsinnaanngilaq.

Imm. 3. Taxanik ingerlatsisut ingerlatsinermini taxanik ingerlatsisinnaanermut allagartani nassartuaannassavaa, taxanillu ingerlatsisinnaanermut allagartaq ilaasumit takuneqarsinnaanngorlugu taxani ersarissumiitineqassalluni.

Imm. 4. Taxanik ingerlatsisut taxanik ingerlatsisinnaanermut allagartatik pigiinnarniarlugu, taxanik ingerlatsisut ukiumoortumik pinerlussimannginnermut meeqqanillu pinerlussimannginnermut uppersaammik kiisalu inuutissarsiornermut allagartamik atuuttumik takutitsissapput.

§ 18. Centralimit piniarfigineqartartumit inniminnikkat ingerlateqqinneqartut taxanik ingerlatsisumit erngertumik naammasineqassapput.

Imm. 2. Taxanik ingerlatsisup inniminniissummik figusaqartilluni, tamanna naammasitinnagu allanik angallassissanngilaq.

Imm. 3. Imm. 1 aamma 2 naapertorlugit centralimit piniarfigineqartartumit inniminniinerit taxanik ingerlatsisumit erngertumik naammasineqassapput.

§ 19. Taxanik ingerlatsisut angalatillutik eqqiarluarsimallutillu pissuserissaassapput. Taxanik ingerlatsisoq kalaallisut, qallunaatut tuluttullu oqaasilinnik ingerlatsisinnaassaaq.

§ 20. Taxanik ingerlatsisup angalatilluni taxa malittarisassat naapertorlugit pissusissamisut ingerlanngitsoq paasiguniuk, emgerluni unitsissallugit pisussaavoq.

Imm. 2. Tamatuma saniatigut taxat iluatungaasit silataatalu usisarfia ilanngullugu eqqiluisaartitsinissai taxanik ingerlatsisup pisussaaffigaa.

§ 21. Taxat ilaasussarsiortut uninngagunik angalagunilluunniit ingerlatsisup saniatigut allamik taxani issimasoaqassanngilaq.

Imm. 2. Ingerlatsisoq usserarnermigut suarternermigulluunniit sanioquttunik ilaasussarsiuassanngilaq.

§ 22. Inuit taxanik mingutsitsisinnaasut, inuillu malunnartumik putumasut ilaasorissallugit itigartissinnaavai, inuunerannut peqqinnissaannullu ulorianartorsiorpata taamaallaat ilaatinneqarsinnaapput. Aquttup aamma biilimik mingutsitsisinnaasut nassatat itigartissutigisinnaavai.

§ 23. Angallassinermi akiliummik uppenarsaammik piumasaaqartoqartillugu, ingerlatsisup uppenarsaammik allannissani pisussaaffigaa.

Nakkutilliineq

§ 24. Aquttunik, taxanik taxameterinillu tigulaarilluni kommunalbestyrelsi nakkutillisinnaatitaavoq.
Imm. 2. Taxameterinik nakkutilliinermut atatillugu, taxanik ingerlatsisoq akiliisitsinngikkaluarluni misiliilluni angallassinissamut pisussaaffeqarpoq.

Pineqaatissiinerit

§ 25. Ilaqqoreqqusamik matuminnga unioqqutitsineq taxanik ingerlatsisinnaanermut akuersissummik kommunalbestyrelsimiit arsaarinnissutigineqarneranik kingunerisinnaavaa.

Imm. 2. Akuersissummik pigisaqartoq 100.000 koruunit sinnerlugit pisortanut akiitsoqarpat, akilersuinissamik isumaqatigiissummik malinneqartumik peqartoqartinnagu, taxanut akuersissummik arsaarinnissamik kommunalbestyrelsi pisinnaatitaaffeqarpoq.

§ 26. Taxat politiinit akuerineqarsinnaatinnagit, kommunalbestyrelsi akuersissutip normuanik arsaarinnissinaavoq.

§ 27. Sakkortuumik pinerluuteqarsimanermut pineqaatissinneqarsimanerit soorlu persuttaasimanermut, meeqqanik kanngutsaatsuliorneq imaluunniit aanngajaarniutunik imigassanilluunniit tuniniaasimanerit taxanik ingerlatsisinnaanermut allagartaanik ingerlaannartumik arsaarinninnermik kinguneqassaaq. Pineqaatissinneqartoq akuersissummik pigisaqartuuppat, pineqaatissinneqartup taxaateqarnermut akuersissutai tamarmik arsaarinnissutigineqassapput.

Imm. 2. Annikinnerusumik inatsisunik unioqqutitsisoqartillugu kommunalbestyrelsi aalajangiisinnaavoq, aquttup allagartaanik imaluunniit taxaateqarnermut akuersissummik arsaarinnittoqassasoq.


§ 28. Taxanik ingerlatsinermut atatillugu peqqarniitsumik imaluunniit uteqattaartumik angallannermut inatsimmik unioqqutitsinermi, Kommunalborgbestyrelsimiit taxanik ingerlatsisinnaanermut allagartamik arsaarinninneq pineqaatissinneqarnermi kingunerisinnaavaa.

Imm. 2. Pineqaatissinneqartoq taxanik ingerlatsisinnaanermut akuersissummik pigisaqartuuppat, taava taxanik ingerlatsisinnaanermut akuersissutaasut tamarmik Kommunalborgbestyrelsimiit arsaarinnissutigineqarsinnaapput.


§ 29. Ullut 30-t Kommunalborgbestyrelsep akuerineraniit ileqqoreqqusaaq atuutilissaaq.

Imm. 2. Qeqqata Kommuniani taxat atorlugit angallassinermut kommunimi ileqqoreqqusaaq apriliip 29-ni 2009-meersoq peqatigitillugu atorunnaassaaq.

Kommunalborgbestyrelsi augustip 25-at 2016.



Hermann Berthelsen
Borgmesteri



Paneeraq Olsen
Kommunimi pisortaaneq